

EW NAMOPUNG

A ekkesiwini Tetten 3 me non Annukun Ch-uk No. 5-108, ewe State Foreign Investment Act, an ewpe fori pwe emon State Senator epwe pwan choni ewe Board, me pwan ren ekkoch popun.

Epwe pung me ren ewe Legislature-un ewe Muun Chuuk pwe:

1 Tetten 1. Ekkesiwin. Tetten 3 me non Annukun Chuuk No. 5-108,
2 ewe State Foreign Investment Act, iei a ekkesiwin ngeni ei ititin:

3 "Tetten 3. State Foreign Investment Board--Choon.

4 (a) Ewe Truk State Foreign Investment Board, iei a
5 pwan iteni ewe "Board", iei a foruta. Ewe Board epwe
6 nimmon chon ir chon fout. Ewe Kepina epwe finata ruomon(2)
7 fiti kapungunon me ren ewe Truk State Legislature. Ewe
8 Speaker epwe finata fomon(4), nge emon me neiir epwe emon
9 choon ewe Legislature, i epwe emon ex-officio member,
10 esap pwan wor an tufich ne fout. Ewe Director-un Resources
11 me Development non Chuuk epwe pwan choon ewe Board nge esap
12 pwan wor an tufichin fout ika uttut, epwe emon "ex-officio"
13 member won ewe Board.

14 (b) Choon ewe Board repwe wiis non ukukun nangataman
15 ruu(2) ier. Ioon a finita ren an epwe ammosowa neni mei
16 poonuno non ewe fansoun esemwo wes ewe fansoun wiis, epwe
17 chok wiis ren an epwe sopweno metewe ukukun wiis esemwo much
18 me ren emon-newe a tou. Choon ewe Board repwe nomw non wiser
19 kewe tori ineet siwiniir ra finita pwan kapunguno ika quali-
20 fied ar repwene tonong non wiseer kewe. Choon ewe Board mei
21 pwan tongeni finsefan ngeni wiseer kewe.

22 (c) Finien Kepina e atoura ngeni ewe Legislature
23 nupwen esemwo fis an mwiich(session), epwe kapunguno me ren
24 ew committee mei foruta fan asengesin ena popun me ren ewe
25 Speaker; nge, akkaewin monun ewe Board finien ewe Kepina
26 epwe kefinita esap mang seni inik(30) ran me murin poputan
27 pochokunen ei annuk; nge, ika ewe Kepina ese fori an we fin
28
29
30

1 ren finian kewe, iwe ewe Speaker epwene wisen fini
2 ekkewe nimmon.

3 (d) Iokewe monun ewe Board mei wor ar tufichin
4 fout epwe ir citizenin Federated States of Micronesia
5 pwan ir resident-in Truk State non ewe atun ra kefinita
6 ngeni ewe Board.


7 (e) Ewe Board epwe finieta seni pusin monun
8 emon noun Chairperson, emon Vice-Chairperson, me emon
9 Secretary-Treasurer non fansoun an aewin mwich.

10 (f) Epwe wor unumon(3) monun ewe Board ekkewe
11 ir voting members repwe nomw non mwich iwe a tongeni
12 wor quorum, pwan ren mettoch epwe punguno epwe fan
13 tipeewin majority vote an ekkewe chon mwich mei nomw.

14 (g) Wiis mei poon me won ewe Board epwe ammasou
15 non chok pwan napanapan an kefinita me mwan, nge ewe
16 Speaker epwepwan finata meinisin nupwen ewe Kepina ese
17 fini ekkewe epwe finieta. Epwe wor poununon wiis won
18 ewe Board nupwen a wor mano, resain seni wiis, katou
19 ika wees fan mochenin me tipeewin Board."

20 Tetten 2. Poputan Pochokunan. Ei Namopung epwe poputa pocho-
21 kunan fansoun an a kapunguno me ren ewe Kepina, ika fansoun an a pusin
22 winiti annuk won winikapan.


23
24

25 Sain seni: 
26 Frita A. Hartmann
27 Speaker
28 Truk State Legislature

29 Annetata: 
30 Datasi Albert, Chief Clerk
31 Truk State Legislature

Pwinin maram: 7/24/86

32
33

34 Kapunguno seni: 
35 Gideon Doone
36 Governor
Truk State

Pwinin maram: 8/4/86